

OSNOVNOM SUDU U PRIJEDORU
-sudiji za prethodno saslušanje-

Na osnovu člana 43. stav 2. tačka z), člana 241. stav 1. i člana 242. stav 3. Zakona o krivičnom postupku Republike Srpske (Službeni glasnik Republike Srpske, broj: 53/12, 91/17, 66/18 i 15/21, u daljem tekstu: „ZKP RS“) podižem:

OPTUŽNICU
sa prijedlogom za produženje pritvora
protiv

D.T.

DA JE:

1. Dana [REDAKTIRANO].07.2022. godine, oko 12,00 časova, u trgovačkoj radnji „[REDAKTIRANO]“ d.o.o. koja se nalazi u ulici [REDAKTIRANO], grad Prijedor, povišenim tonom se obratio zaposlenoj radnici u trgovačkoj radnji [REDAKTIRANO] riječima „Gdje je [REDAKTIRANO]? Došao sam da vidim kad misli mojoj ženi da isplati platu koju je zaradila? Trebaju mene da pitaju koliko da plate moju ženu, bolje im je da im ja ne dolazim gore, sve ću im polupati, bojim se popeti gore, istući ću staru ženu!“, nakon čega se u pratnji svoje supruge [REDAKTIRANO] uputio u [REDAKTIRANO] „[REDAKTIRANO]“ d.o.o., gdje je isti u razgovoru sa oštećenom [REDAKTIRANO] insistirao da isplati njegovoj supruzi [REDAKTIRANO] na ime odrađenog probnog rada iznos od 1.500,00 KM, te nakon što oštećena nije pristala, osumnjičeni je nastavio da istoj upućuje prijetnje „Vidjećete Vi, kajaćete se i moliti Boga što niste isplatiti 1.500,00 KM“, što je kod oštećene izazvalo strah i ugroženost za vlastiti život, zbog čega je navedene prijetnje prijavila u policijsku stanicu PU Prijedor.
2. Dana [REDAKTIRANO].08.2022. godine, oko 13,30 časova nakon obavljenog informativnog razgovora u PS Prijedor 1, na okolnosti prijave od dana [REDAKTIRANO].07.2022. godine, koju je podnijela oštećena [REDAKTIRANO], isti se uputio u [REDAKTIRANO] „[REDAKTIRANO]“ d.o.o. Prijedor, u Prijedoru, gdje je oštećenom [REDAKTIRANO] uputio prijetnje riječima „Prijavila si me policiji, sad ćeš tek imati problema. Našla si ko će te zaštititi, napraviću ti štetu preko 100.000,00 KM, nećeš biti ni svjesna šta će se događati, ja obračunavam za svaki naredni mjesec 1.000,00 KM koje ćeš mi dati, napraviću ti štetu preko 100.000,00 KM i plaćaćeš mi svaki mjesec 1.000,00 KM..“, te je istog dana na internet platformi „Facebook“ putem internet profila „[REDAKTIRANO]“ objavio tekst kojim je uputio prijetnje [REDAKTIRANO] „fašistički radni logor [REDAKTIRANO] vl. [REDAKTIRANO] [REDAKTIRANO], vještica bez konkurencije, kako će se sve završiti vidjeće se, samo mrtvog me možete spriječiti, [REDAKTIRANO] nikad ti više neće pasti na pamet da ponižavaš i iskorištavaš ni jednog radnika“, što je kod oštećene izazvalo strah i ugroženost za vlastiti život, zbog čega je navedene prijetnje prijavila u policijsku stanicu PU Prijedor.

Dakle u dva navrata, ozbiljnom prijetnjom ugrozio sigurnost nekog lica.

Čime bi počinio dva krivična djela „ugrožavanje sigurnosti“ iz člana 150. stav 1. u vezi sa članom 56. Krivičnog zakonika RS („Službeni glasnik RS“ broj 64/17 i 15/21).